

U ovom broju Muallima u rubrici PUTOKAZI objavljujemo tekst Ismaila Albayraka pod naslovom „Turska tumačenja Kur’ana u dvadesetom stoljeću“. Tekst je preuzet iz hrestomatije *Tumačenje Kur’ana u Republici Turskoj*, koju priređuje prof. dr. Enes Karić, a prezentira nam činjenice o historiji turskih komentatora Kur’ana, sa posebnim naglaskom na razvoj tumačenja Kur’ana na turskom jeziku u dvadesetom stoljeću, te biografiju i rad na tefsiru poznatog turskog komentatora Kur’ana Elmalili Muahmmadu Hamdi Yaziru.

U rubrici SAGLEDAVANJA donosimo tekst sjevernoirskog pisca C.S. Lewisa “Ukinuće čovjeka” u prijevodu Aide Abadžić-Hodžić., te studiju Mevludina Dizadarevića pod nazivom „Sukob civilizacija ima novo ime - sukob bogatih i siromašnih“ gdje nas autor pokušava uputiti u jednu sasvim drugačiju dimenziju sagledavanja uzroka “sukoba civilizacija”.

Za ovaj broj rubrika MUALLIM za čitatelje našeg časopisa predstavlja sljedeće radove: uzorak pismene pripreme za realizaciju nastavnog sata naslovljena „Ebu Bekr Es-Siddik“ autora Muamera Tinjaka, te tekst Muhameda Rizvića „Smanjena sposobnost učenja i nedostatak pažnje“ koji na svojevrsan način skreće pažnju nastavnicima na učenike koja imaju poteškoće pri učenju, i koja zahtijevaju jedan drugačiji pristup u odgojno-obrazovnom procesu. Rubriku *Muallim* donosi još i tekst Medine Jusić „Potrebe djece“; tekst Amre Heljić-Imamović pod nazivom „Uticao nastavnika na kreativnost djece“, te tekst koji

se bavi pitanjem prezentiranja fikha u nastavi vjeronauke učenicima u srednjim školama pod nazivom „Vjera u svakodnevnici“ Mustafe Hasanija.

U ovom broju časopis Muallim otvara novu rubriku TEMA BROJA, koja ima za cilj aktuelizirati određena pitanja važna za cjelokupnu islamsku zajednicu u BiH. Obzirom na stanje u medijima u pogledu prezentiranja vjere, za ovaj broj Redakcija je odlučila objaviti tekst Remzije Pitića “Vjerski program”, uz koji donosimo prilog “Izvještaj o stanju elektronskih medija u BiH” koje je za potrebe Sabora Islamske zajednice u BiH za 2005. godinu sačinila radna komisija u sastavu: Nedžad Grabus, Remzija Pitić, Zehra Alispahić, rahmetli Besim Čanić i Suad Mahmutović.

Na stranicama rubrike HISTORIJA OBRAZOVANJA objavljujemo tekst Ahmeda Čolića pod nazivom „Zapad na istoku“ koji je vrijedna studija iz domena historije prirodnih znanosti o djelu *Knjiga o vagi mudrosti*, islamskog znanstvenika iz Srednjeg vijeka El-Hazinija.

MUALLIMOVA PROZA ovaj put donosi odlomak iz završenog romana u rukopisu *Tajna knjiga Endelusa* pod nazivom „Kurtuba“ Isnama Taljića.

U Muallimovom PREGLEDU donosimo osvrt na knjige i publikacije koje mogu pobuditi pažnju naših čitaoca.

Senada HASANBAŠIĆ

m

Napomena: u prošlom broju Novog Muallima, br. 26, od 29. juna 2006., u rubrici PUTOKAZI objavljen je tekst prof. dr. Enesa Karića pod nazivom *Položaji koje je Es-Sujuti zauzima*, u kojem su se iz tehničkih razloga dogodile pogreške u dijelu teksta na arapskom jeziku, zbog čega upućujemo naše izvinjenje uvaženom autoru i čitaocima.